

# Сув топилиши билан таяммум бузилиши | Ҳадис дарслари (257-дарс)

**Ҳадис**  
ДАРСЛАРИ

**257-ДАРС**

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 22.11.2023 1591

نَبِيَّ صُحْبَ نَبِ نَأْرْمَعُ نَع  
نَأْهُنَعُ هَلْ لَأِي ضَرَّيْ عَأْخُ لَأ  
هَلْ لَأِي لَ صِ هَلْ لَأ لُ وُسَر  
أَلْ جَرِي أَرَمَّ لَسَوِ هَيْ لَع  
يَفِ لَ صِي مَلْ أَلْ زَتُ غُم  
أَمْ نَأْلُ فِ أَيِ لَأَقَفِ مَوْ قُ لَأ  
مَوْ قُ لَأِي فِ يَّ لَ صُ تْ نَأْ كَعَنْ م

هَلْ لَآلِوُسَّرَآيَ :لَاقَفْ  
ءَامَآلَوُةَبَآنَجِ يَنْتَبَآصَآ  
هَّنِإِفِ دِيَّعُصَلِبَآبِ كُيَلَعِ :لَاق  
يِرَآخُ بَلَا هَاوَرِ .كَيِفُكَيِ  
يِئِآسِّنَلَاوِ

Имрон ибн Хусайн ал-Хузоъий розияллоху анхудан ривоят қилинади:

**«Расулуллоҳ соллаллоху алайҳи васаллам одамлар билан намоз ўқимай, ажраб, четда турган бир одамни кўриб қолдилар ва:**

**«Эй фалончи, одамлар билан намоз ўқишингдан сени нима ман қилди?» дедилар.**

**«Эй Аллоҳнинг Расули, менга жунублик етган эди. Сув йўқ», деди.**

**У зот соллаллоху алайҳи васаллам:**

**«Сен учун пок тупроқ бор. Албатта, у сенга кифоя қилур», дедилар».**

*Бухорий ва Насай ривоят қилганлар.*

Ушбу ҳадисдан олинадиган фойдалар:

1. Шариатга хилоф иш қилган одамни кўрганда, ундан нима учун бундай қилганини сўраш лозимлиги. Ўзидан сўрамай туриб, унинг устидан ҳукм чиқариб юбормаслик.

Пайғамбаримиз соллаллоху алайҳи васаллам жамоат билан намоз ўқимаган одамни кўриб, унга:

**«Сен жамоат билан намоз ўқимаганинг учун фалон бўлдинг», демадилар.**  
Балки:

«Одамлар билан намоз ўқишингдан сени нима ман қилди?» дедилар.  
Сўнгра унинг жавобига қараб, ҳукм чиқардилар.

2. Сув топа олмаган одам таяммум қилиши.

3. Жунубликдан ҳам таяммум қилиш мумкинлиги.

Таҳоратнинг ўрнига қилинадиган таяммум ҳам, ғуслнинг ўрнига қилинадиган таяммум ҳам бир хил бўлади.

4. Таяммум учун пок тупроқ бўлиши кераклиги.

Бу ҳам Ислом шариатининг мусулмонларга иложи борича осонлик яратишига далилдир.

هُنَعُ هَلَلَا يَضَرُّ رَذِي بَأْنَعُ  
هُيَلَعُ هَلَلَا يَصِي بَّنَلَا نَعُ  
دِيْعُ صَلَا نَا لَاقَ مَلَسَو  
نَاوِ مَلَسُ مَلَا ءُوضَو بِي طَلَا  
نِي نَسَ رَشَعَا مَلَا دِجِي مَل  
سُ مِي لَفَا مَلَا دَجَو اذِإْف  
هُ أَوْرُ رِي خَلَا ذَنْ إْفُهُ تَرَشَب  
نَنْ سَلَا بَاخُ صَا

Абу Зарр розияллоҳу анҳудан ривоят қилинади:

«Набий соллаллоҳу алайҳи васаллам:

**«Албатта, пок тупроқ, агар ўн йилгача сув топа олмаса ҳам, мусулмоннинг покланиш воситасидир. Қачон сув топса, уни баданига етказсин. Албатта, ўша хайрлидир», дедилар».**

*«Сунан» эгалари ривоят қилганлар.*

Ушбу ҳадисдан олинадиган фойдалар:

1. Покиза тупроқ сув йўқ пайтида покланиш воситаси эканлиги.

Яъни, ибодат учун таҳорат ва ғусл ўрнига ўтадиган рамзий покланиш воситасидир.

2. Таяммум учун вақт чегараланмаганлиги.

Унинг қанчагача давом этиши сувнинг бор ёки йўқ эканлигига боғлиқлиги.

3. Сув топилиши билан таяммум бузилиши.

4. Етарли сув бор жойда узрсиз таяммум қилиб бўлмаслиги.

**«Ҳадис ва ҳаёт» китобининг 4-жузи асосида тайёрланди.**

Ушбу китоб Ўзбекистон Республикаси Дин ишлари бўйича қўмитанинг 2022 йил 18 февралдаги 03-07/1102-рақамли хулосаси асосида чоп этилган.